

鄆城縣志

五
783

三
七

重脩鄆城縣志叙



鄆固古廩丘夷衍蕃息之區地小
而饒民樸而愿為東魯望邑自
壬戌蓮妖首難受禍獨慘而戶
口之殘者十二三歲蓄之耗者

序一

十六七迄今十年來元氣未復
瘡痍未起流離嘯聚所在而是
蓋從有鄆來一大厄運也歲辛
未余受事茲土值多故洵之賴
上臺之靈地方之慶底定安集

二三年來郊原之間稍有寧宇
余不敏之得幸免墮越者于鄆
之紳士父老實有藉馬而鄆之
瀕危復安亦已數歲矣鄆有志
自丁卯修後至今幾七十年邑

序二

之紳士屢以為請余謝不文久
之且以荒盜拮据未之及也然
竊念分之為邑志者合之為
國史凡地方之理亂財賦之盈
詘人才之盛衰風俗之淳澆皆

于是乎載令迄今不修不將令
後此者有湮畧莫稽之歎耶迺
式諸高賢之廬共襄厥舉取舊
志裒益更定之越三月告成方
授諸梓而余適以德平之調欲行

序三

矣諸紳士謂修志余事也盍叙
諸余維夫徵獻考文脩闕舉廢
此一時有司責也若夫鏡理亂
而揆安輯之原審盈訕而圖愛
養之實感盛衰淳澆而思作興

稅回之化此非一人一時之事而
在上之觀風問政與方來令茲
土者事也今天下繇理之亂繇
盈之詘繇盛之衰繇淳之澆者
何獨東省為然而東省尤甚在

序四

東省何獨鄆為然而鄆尤甚即
以財賦一節言之鄆之舊額初
不滿一萬耳近日延有新餉有
代編郟城滕縣近又代編登萊
人民物力已大不如往日而加

派不啻半之兼以徭役之繁多
豪右之吞并爭訟之囂頑習尚
之侈靡夫如是財安得不窮既
窮矣民安得不盜民窮且盜而
當事者徒欲以一切峻法繩之


序五

嗚呼是獨不可以反而思其故乎
余蓋因鄆志而深悲夫今之鄆
不得爲昔之鄆也且深懼夫後
日之鄆不能長爲今之鄆也所
願

當事仁人君子覽斯志而惻然
思矍然動穆然而早為之所庶
幾安鄆以安二東安二東以安天
下乎若但曰採故實備稽挾昭
勸戒而已則余不敏與二三紳
士讐較編摩亦斤、有不謬者矣

序六

崇禎甲戌孟秋知鄆城縣事今調德
平縣知縣樵川米嘉穗大年甫題



跋鄆城縣志

攷諸古藉知鄆爲魯名封山水秀
杰毓爲人文是以名賢篤生照曜千
古而忠貞孝義輩後先踵接使人有
景行之想焉新生長冉里實竊餘榮
但慮七十年耒老成凋謝盛事失傳不

湯跋一

無鬱_二耳幸

米侯分符鳴琴之暇以邑乘爲任聚
諸紳士商之申諭諄_二無執已見無溢
美無苛責無遺漏以虛心成茲大典期于
有據而可傳抑何慎重歟諸紳士仰體

公意黽勉脩輯閱三月而告成新披讀

一過覺詳畧去取皆有深意至于政治
之得失風俗之美惡臚列明脩即愚者
亦知懲創焉然非秉三代之公而懸千
秋之鑑當無此識力也

米侯以吏治而兼史才經世之畧于茲
少見其留心當世勦贊

湯跋二

聖明于

侯端有賴矣

崇禎七年七月七夕

成安令治人湯維新題



鄆城縣志目錄

一卷

方輿志

星野

沿革

疆域

形勢

山川遊藝附

鄆城縣志

目錄

古蹟十景附

風俗

二卷

建置志

城池

縣治

公署

學官社學附

壇祠

坊表

橋梁

里社

舖舍

鎮堡

集市

三卷

鄆城縣志

目錄

二

田賦志

戶口

土田 學田 荒田 附

賦役

馬政

物產

四卷

政教志

官師

名宦

五卷

人物志

先賢

名賢

鄉賢

孝義

鄆城縣志

目錄

三

貞烈

高隱

僑寓

六卷

選舉志

進士

舉人

恩選

歲貢例貢附

武舉

封廕

例監

七卷

雜稽志

災祥

寺觀

鄴城縣志

目錄終

四

丘墓

園墅

八卷


藝文志

序

記


傳

贊



鄆城縣志


圖



東至南東 里十六野
 祥九十里 嘉至南東
 穉稻集 乾橋 新庄 朱集
 冉子墓 冉子祠 紙坊 秋家集 戴家集 舊縣鋪 梁家集 安家集 龍壽台
 東至汶上一百二十里 七里鋪 柳條園 肖家集 無花
 六 獨孤山 湯崖 新庄 丹首墓
 一百二十里 里十三百

郟城縣志

圖



鄆城縣志叙

鄆無志王子傷之視篆初輒講究欲脩焉或訝之以為迂王子曰弗然也志也者所以脩觀省而昭勸懲者也匪志則邑之文物故寔得失美刺之所以脩觀省昭勸懲者微矣是無徵也無徵弗信則所謂脩觀省昭勸懲者將安取衷焉其何以風世乎吾聞守令乃親民之官得失美刺之所由昭也志脩舉匪特式觀于外亦可因之以自考耳可視為不棘之務乎矧

鄆城縣志

王叙

一

鄆古隸魯禮義之國今尚未改孔孟諸鉅儒之產于前經籍訓典之垂于後文獻足徵也舊矣我

明龍興以文教作人二百年于茲邑之文物彬又後先相望文獻良有徵焉脩觀省以昭勸懲者願不在茲乎若直以為迂則將視為不棘之務而覲法之道微其何以風世乎是則志之不容已也或人以為然乃謀諸邑大夫近魯侯先生先生憮然曰余竊謂是志久矣會無良湮鬱未酬乃今可酬也敢以不敏